

UIT DIE HOOF SE KANTOOR

Geagte Ouers en Voogde

Ek wil u graag verwys na twee belangrike briewe wat op 11 Junie per e-pos aan u gestuur is. Die briewe word ook hier herhaal vir u aandag en aksie.

- Akademie week 23 tot 27 Junie 2025 (alle leerders)
- Graad 12 Winterskool – Junie/Julie vakansie 2025 (slegs graad 12 – leerders)

Ek vra asseblief u samewerking om die inhoud deeglik deur te lees en die nodige aksie, waar nodig, te neem.

BRIEF 1 - Alle leerders

AKADEMIESE WEEK: 23 – 27 JUNIE 2025

In ooreenstemming met die vereistes van die Onderwysdepartement moet alle akademiese puntestate teen die einde van Kwartaal 2 ingehandig word.

Die laaste eksamen vraestel is dus geskeduleer vir Vrydag, 20 Junie 2025. Die week van 23 tot 27 Junie sal gebruik word vir die voltooiing en afronding van die akademiese werk van Kwartaal 2.

Hierdie week is van kritieke belang, en **skoolbywoning is verpligtend** vir alle leerders. Gedurende hierdie akademiese week sal die volgende in elke vak gedoen word:

- Leerders ontvang hul gemerkte antwoordstelle en verifieer hul punte.
- Vraestelle word uitgedeel en bespreek.
- Memorandums vir elke vraestel word deeglik behandel.
- Leerders maak aantekeninge van hul foute om toekomstige prestasie te verbeter.
- Enige navrae of onduidelikhede rakende vraestelle, punte of berekenings sal slegs gedurende hierdie week hanteer word.
- Leerders gaan voort met die kurrikulum (nuwe werk).

Siklusrooster vir die akademiese week

Om te verseker dat alle vakke voldoende tyd kry vir terugvoer, sal die siklusrooster as volg verloop:

Datum	Rooster (Dag) en periodes	
23 Junie (Maandag)	Dag 1	: Periodes 1 – 8
	Dag 2	: Periodes 1 – 4
24 Junie (Dinsdag)	Dag 2	: Periodes 5 – 8
	Dag 3	: Periodes 1 – 8
25 Junie (Woensdag)	Dag 4	: Periodes 1 – 8
	Dag 5	: Periodes 1 – 4
26 Junie (Donderdag)	Dag 5	: Periodes 5 – 8
	Dag 6	: Periodes 1 – 8
27 Junie (Vrydag)	Dag 1	: Graad 8 tot 12 Wiskunde/Wiskundige Geletterdheid toets. Skool sluit om 11:00

Ons glo vas dat hierdie week leerders sal bevoordeel, aangesien dit hulle die geleentheid bied om hul prestasie objektief te analiseer terwyl die inhoud nog vars is. Graad 12-leerders sal besonder baat vind by hierdie proses as voorbereiding vir die komende Voorbereidende Rekordeksamen.

Daar sal met die aanvang van Kwartaal 3 voortgegaan word met nuwe werk en geen navrae oor die Junie eksamen sal verder hanteer word nie.

Skoolbywoning gedurende hierdie week is verpligtend, en ons doen 'n ernstige beroep op ouers om te verseker dat leerders die volle week bywoon en nie vroeg uitgeteken word nie.

Dankie vir u volgehoue ondersteuning en samewerking in belang van ons leerders se akademiese sukses.

Oos-Moot groete
Me S Theron
HOOF

BRIEF 2 – Graad 12 leerders

GRAAD 12 WINTERSKOOL – JUNIE/JULIE VAKANSIE 2025 (VERPLIGTEND)

Ons staan in 'n kritieke fase van ons Graad 12-leerders se jaar en elke dag se voorbereiding is van kardinale belang vir hul sukses in die nasionale seniorcertifikaateksamen (NSS).

Om ons leerders optimaal voor te berei, bied die skool 'n verpligte Winterskool aan gedurende die Junie/Julie-skoolvakansie. Die winterskool sal fokus op hersiening en toetsvoorbereiding, spesifiek vir die Rekordeksamen wat reeds in Augustus begin. Die derde kwartaal bestaan uit slegs 28 akademiese dae voor die Rekordeksamen afskop en die vierde kwartaal het net 6 akademiese dae voor die finale eksamen. Hierdie beperkte tyd onderstreep die absolute noodsaaklikheid van die winterskool.

Ongelukkig dui die voorlopige uitslae van sekere vakke in dié Junie-eksamen op ernstige leemtes wat dringend aangespreek moet word. Ons is vasbeslote om elke leerder die beste moontlike kans op sukses te bied, maar dit vereis ook volle betrokkenheid van hul kant af.

Indien 'n leerder nie aan die Winterskool kan deelneem nie, moet 'n skriftelike versoek of rede aan die skoolhoof, me S Theron (diehoof@oos-moot.co.za), gerig word voor die skool op Vrydag 27 Junie sluit. Sonder vooraf toestemming sal afwesigheid as onverskoon beskou word.

Ons doen 'n ernstige beroep op ouers om ons in hierdie belangrike poging te ondersteun. Met u samewerking en u kind se toegewyde deelname, glo ons dat die Graad 12's hierdie jaar suksesvol sal kan voltooi.

Baie dankie vir u samewerking en ondersteuning.

Oos-Moot groete
Me S Theron
HOOF

BELANGRIKE DATUMS EN KONTAKBESONDERHEDE

Die 2025 voorlopige dagboek aktiwiteite is in die leerders se dagboeke beskikbaar en op die skool se [webwerf](#).

BELANGRIKE DATUMS

- 20 Junie : Afrikaans Taalvraestel (Graad 8 tot 12)
Kaskar / Warm Hartklop-kuierfees
- 23 tot 27 Junie : Normale skooldae (verpligte akademiese week)
- 27 Junie : Graad 8 tot 12 Wiskunde en Wiskundige Geletterdheid toets
Skool sluit om 11:00
- 30 Junie tot 11 Julie: Graad 12 Winterskool (verpligtend)
- 1, 8, of 10 Julie : Graad 10: Gasvryheidstudie winterskool 2025

Kontakbesonderhede van bestuur en graadvoogde is op die skool se [webwerf](#) beskikbaar.

AKADEMIE

Mei/Junie eksamen

Die eksamenrooster en die eksamenreëlins is op die skool se [webwerf](#) beskikbaar

Graad 8 en 9

- Meld soggens om **07:25 by die skool aan**.
- Leerders verdaag om **11:00**.

Graad 10 en 11

- Leerders se sessietye is soos volg:
 - ❖ Sessie 1 : leerders meld om 07:25 aan.
 - ❖ Sessie 2 : leerders meld om 11:25 aan.
- Leerders verdaag na afloop van hul vraestel.

Graad 12

- Leerders se sessietye is soos volg:
 - ❖ Sessie 1 : leerders meld om 08:00 aan.
 - ❖ Sessie 2 : leerders meld om 13:00 aan.
- Leerders verdaag na afloop van hul vraestel.

Graad 8 tot 12: Afrikaanse taalvraestel – 20 Junie 2025

Hiermee herinner ons u vriendelik daaraan dat daar op **20 Junie** 'n **Afrikaanse vraestel geskryf** sal word. **Alle leerders van Graad 8 tot 12** sal aan hierdie assessering deelneem.

Let asseblief daarop dat daar **alternatiewe reëlins getref sal word vir die Graad 12-leerders wat Ekonomie skryf**.

Graad 12 Winterskool

Die winterskool vind gedurende die Mei/Junie-vakansie plaas en is **verplichtend vir alle graad 12-leerders**. Die skrywe op die skool se [webwerf](#) beskikbaar.

Datum	:	30 Junie tot 11 Julie
Koste	:	R300 per leerder
Tye	:	Klasse begin om 08:00 Klasse eindig om 13:00

Die skool se kafeteria sal oop wees vir eetgoed.

Belangrik

Indien 'n leerder nie aan die Winterskool kan deelneem nie, **moet 'n skriftelike versoek of rede aan die skoolhoof, me S Theron (diehoof@oos-moot.co.za)**, gerig word voor die skool op Vrydag 27 Junie sluit. Sonder vooraf toestemming sal afwesigheid as onverskoon beskou word.

GELUKWENSE

Baie geluk aan al ons atlete, spelers, deelnemers wat uitstaande prestasies lewer. Jul opoffering, harde werk en deursettingsvermoë word in jul prestasies gereflekteer. Ons is ongelooflik trots op almal, van die deelnemers tot die presteerders.

Sportuitslae van ons verskillende aktiwiteite word, soos dit ontvang word, op die skool se webwerf geplaas sodat ouers en ondersteuners op hoogte kan bly van ons sportaktiwiteite. Uitsonderlike prestasies – soos deelname op provinsiale of nasionale vlak, 'n eerste in die skool se geskiedenis, ensovoorts word ook in die nuusbriëf gedeel.

NETBAL: Gauteng Kampioenskappe: Die o.16A span eindig 2de in die liga en dring deur na die Gauteng Kampioenskappe wat op 15/16 Junie te Hoërskool Randburg plaasvind. Die eerste span dring tydens die Tshwane uitspele ook deur na die Gauteng Kampioenskappe op 14/15 Junie te Hoërskool Florida.

ORKES: Ons Blaasorkes het tydens die Pretoria Eisteddfod in Junie 2025 met uitnemendheid geskitter deur 'n A+-gradering te verwerf en as weners van die kategorie vir beste blaasorkes aangewys te word.

2026 OPVOEDKUNDIGE TOER - ITALIË

Hoërskool Oos-Moot beplan vir 2026 'n opwindende akademiese toer vir ons belangstellende Oosie-leerders na Italië. Sien die voorlopige toerprogram hieronder en voltooi die vorm by die volgende skakel indien u kind belangstel om die toer mee te maak: https://docs.google.com/forms/d/1DS0cL8-tsMyngfSc-wEycGYShEdHaJp4u_wT0iQfpFo/edit

Dag 1: Johannesburg

- Ontmoeting by OR Tambo Internasionale Lughawe.
- Inklok vir die vlug na Rome.
- Oornag aan boord van die vlug.

Dag 2: Aankoms in Rome

- Aankoms op Rome se lughawe.
- Deur doeane, bagasie-afhaal, vertrek.
- Privaatvervoer na akkommodasie.
- Ontspan en berei voor vir die toer.
- Aandete & oornag.

Dag 3: Antieke Rome & Pleine

- Ontbyt.
- Privaatvervoer na Colosseum-gebied.
- Begeleide toer van Antieke Rome (buite-aansig)

Dag 4: Pompeii & Napels

- Ontbyt.
- Vroeg vertrek na Pompeii.
- Begeleide toer van Pompeii & besoek aan Napels.

Dag 5: Vatikaan & Pizza-les

- Ontbyt.
- Begeleide toer van Vatikaanse Museums.
- Pizza-les & aandete.

Dag 6: Florence in een dag

- Ontbyt.
- Oggendtrein na Florence.
- Begeleide toer van Florence.

Dag 7: Terugvlug

- Privaat vervoer na lughawe in Rome.
- Inklok vir terugvlug na OR Tambo, Johannesburg.

Ingesluit

- Retoer ekonomiese klas-vlugte (OR Tambo)
- Lughawebelasting en -bystand
- 5 nagte in gastehuis (5 ontbyte & 4 aandetes)
- Hotel- en stadbelasting
- Privaat vervoer
- Gidse in Rome, Pompeii, Napels & Florence
- Pizza-les en aandete
- *Whisper* oorfone

Uitgesluit

- Fooitjies
- Portierdiens
- Middagetes & drankies
- Persoonlike uitgawes

Koste : R46 765.00 per persoon (2025 pryse en onderhewig aan verandering)

Navrae : Me L de Bruin (l.debruin@oos-moot.co.za)

MATRIEKAFSKEID 2025

Ons herinner graag ons graad 12-leerders en hul ouers aan die matriekafskeid. Die [volledige skrywe](#) is op die webwerf beskikbaar.

Datum : 10 Oktober 2025
 Plek : Colosseum Reale Venue
 Tyd : 18:00 – 23:00 (aankoms vanaf 16:00)

Baie dankie vir die ouers wat reeds betaal het. Ons herinner ouers wat nog moet betaal dat die betaling asseblief **so gou moontlik**, maar nie later as 15 Augustus gedoen moet word nie.

Kostes en betalingsopsies

- R850 per persoon (Oosie-matrikulant).
- R900 per persoon (metgesel - buitepersoon).
- Eenmalig betaal, of **maandelikse afbetaling voor 15 Augustus 2025**.

GRAAD 8'S 2026 – AANLYN REGISTRASIES

Die [aanlyn registrasies vir die 2026](#) skooljaar (Departement van Onderwys) open en sluit soos volg.

Open : 24 Julie 2025
Sluit : 29 Augustus 2025

Belangrik

- Plasinge vind plaas volgens huisadres (binne voedersone). Leerders NAASTE aan die skool word dus eerste geplaas.
- Ouers word per sms/e-pos deur die departement gekontak.
- Doen BETYDS aansoek. Die aanlyn registrasiesetel is vir ongeveer 'n maand oop vir registrasie en die laai van dokumentasie.
- Volledige inligting en 'n skakel na die skool se elektroniese aansoekvorm is beskikbaar op die skool se [webwerf](#).

GRAAD 8 | 2026**AANLYN REGISTRASIE/AANSOEKE****OPEN - 24 JULIE 2025****SLUIT - 29 AUGUSTUS 2025****GDE AANLYN REGISTRASIES OPEN
24 JULIE 2025****SPORT**

In die nuusbrief sal slegs veranderinge en belangrike inligting ten opsigte van 'n sportsoort uitgelig word. Bepalings, oefentype, programme en uitslae van die onderskeie sportsoorte sal op die skool se [webwerf](#) geplaas word (soos dit ontvang word).

HokkieKontak

Die organiseerder kan per e-pos by hokkie@oos-moot.co.za gekontak word.

Kommunikasie

Ouers hoef slegs by die betrokke ouer groep aan te sluit, die spelers het hul eie groepe. [Skakel na WhatsApp-groepe](#)

Oefentype

- Die oefentype tydens die eksamen word aangepas sodat die spelers direk na die sessies begin oefen.
- Die dogters B-spanne is klaar met hulle liga, maar word aangemoedig om steeds te oefen sodat hulle vaardighede kan verskerp.

Wedstryde en programme

Datum	Span	Plek
16 Junie	Noordvaal : Seuns vs Montana A (1ste span)	Sal bevestig word
	Vriendskaplik : Dogters vs Montana (1ste span)	Sal bevestig word
Sal bevestig word	Noordvaal : Seuns vs Centurion	

Oosie-JuniorsOefeninge

13 Junie gaan voort soos geskeduleer.

Verdere inligting is op die [webblad](#) beskikbaar.

Netbal

14/15 Junie – [Gauteng Kampioenskappe](#)

Span : 1ste
Plek : H/S Florida

15/16 Junie – [Gauteng Kampioenskappe](#)

Span : o.16A
Wedstryde : H/S Randburg

KULTUUR

Kultuur ouerondersteuningsgroep

Die Kultuurkantoor nooi ouers uit om deel te word van ons kultuuroergroep! As jy 'n passie het vir kultuur en graag wil help met projekte soos die herstel van gordyne in die saal of ander kreatiewe inisiatiewe, sluit gerus by ons aan. Jou ondersteuning maak 'n verskil! Teken in via die [skakel](#).

Feitevrage

Datum : 25 Junie
Tyd : 17:00 tot 19:00
Plek : Personeelkamer
Koste : R50 vir 'n span van 4

WARM HARTKLOP-KUIERFEES – 20 JUNIE 2025

Ons nooi u en u kind(ers) hartlik uit na ons **Warm Hartklop Kuierfees** - 'n spesiale geleentheid vol lekker kuier, kos, kultuur en Oosie-gees!

Datum : 20 Junie
Plek : Hoërskool Oos-Moot
Tyd : 16:00 tot 21:00

KOOP U KAARTJIES SO GOU MOONTLIK, verkieslik voor 17 Junie.

Die fondse wat met die fees ingesamel word, ondersteun belangrike **skoolprojekte** wat tot voordeel van al ons leerders is.

Kaartjies is beskikbaar by Me. L Bouwer (kultuur@oos-moot.co.za) en navrae kan aan haar gerig word.

BUITEPRESTASIES

Hoërskool Oos-Moot het nog altyd trots erkenning gegee aan ons leerders se prestasies, beide binne en buite die skool.

ERKENNING VAN BUITEPRESTASIES

Leerders se prestasies buite die skool word op die volgende maniere erken:

- Skoolopening
- Jaarlikse Fakkeltokennings (Prysuitdelingsfunksie)

Let wel: Die prestasie hoef nie verband te hou met die skool se erkende aktiwiteite nie.

WAT WORD BENODIG

- Volledige besonderhede van die prestasie.
- 'n **Hoë kwaliteit foto** waarop die leerder duidelik herkenbaar is.

Let wel: Geen foto = geen plasing.

HOE EN WAARHEEN STUUR EK DIE INLIGTING

Stap 1 : Klik op die relevante skakel in die nuusbrieff.

- ❖ Akademie
- ❖ Sport
- ❖ Kultuur

Stap 2 : Voltooi die aanlyn vorm volledig.

Stap 3 : E-pos die foto én enige bewysstukke na die toepaslike adres:

- ❖ Kultuur: kultuur@oos-moot.co.za
- ❖ Sport: sport@oos-moot.co.za
- ❖ Akademie: vanstadenh@oos-moot.co.za

BELANGRIK

- Laat asseblief ongeveer twee weke toe vir verwerking en plasing.
- Indien daar geen plasing gedoen is nie, kontak me C Meyer by **083 650 0759**.

SKAKELS

Kliek op die spesifieke blokkie vir die Google vorm.



KOMPETISIE



PicknPay Waverley het hierdie jaar weer hul jarelange aankoopstrokie kompetisie vir skole in die MOOT geloods. Ondersteun ons skool asseblief en plaas u PnP Waverley aankoopstrokie in die houer gemerk OOS-MOOT.

ADVERTEER IN DIE NUUSBRIEF

Daar is geleentheid om in die skool se nuusbrieff te adverteer.

- Die nuusbrieff word weekliks elektronies, per e-pos via die skool se d6-sisteem, aan die ouers (2200+), personeel (108) en al ons leerders (1500+) gestuur.
- Die nuusbrieff word weekliks op die webwerf geplaas waar dit vir die hele jaar beskikbaar is.

Indien u belangstel volg asseblief hierdie [skake!](#) vir die pryse en vorm of kontak me M Senekal (webblad@oos-moot.co.za).

Waverley

Wiskunde & Wetenskap



Vakke wat by die Wiskundesentrum aangebied word.

- Wiskunde graad 1 tot 12, asook Wiskundige Geletterdheid en Tegniese Wiskunde.
- Rekeningkunde graad 8 tot 12.
- Afrikaans graad 1 tot 12. Engels graad 1 tot 12.
- Wetenskap graad 10 tot 12 sowel as Tegniese Wetenskap
- Career Direct: Aanlegtoetse, vakkeuse, beroepskeuse en beroepsleiding

Aanvullende onderrig + Beroeps
- & Vakkeuse toetsing

Marina Stander - 083 259 8913



PLANTCARE SERVICES BIED:

- Binnenshuise plant-installering en -instandhouding
- Tuinontwerp en besproeiing
- Plantdekorverhuring
- Weeklikse versorging

Tel: 072 500 2889 / 072 080 7540

Besoek www.plantcareservices.co.za vir meer inligting. Stuur 'n e-pos na info@plantcareservices.co.za of plantc@mweb.co.za



Bekostigbare

STUDIELENINGS

vir
TERSIERE ONDERRIG
in Suid-Afrika

NHS BIED DIE VOLGENDE:

Tydens die studietydperk

- R80 000 per jaar vir die volle tydperk
- Prima minus 3% rentekoers
- Maandeliks word slegs die rente terugbetaal

Na die studietydperk

Na voltooiing van studie word kapitaal plus rente teen die primakoers betaal.

- Lener kry 2 jaar vir elke jaar van studie om terug te betaal
- Tydens internskap of gemeenskapsdiens betaal die lener steeds slegs rente teen Prima minus 3%.

KONTAK ONS

 (011) 782 9160

 admin@nhsfonds.co.za

 noordelikehelpmekaarstudiefonds.org

warm KOS &

HARTKLOP 20 Junie 2025
KUIERFEES
Hekke Open 16:00-21:00

Kom kuier saam met ons Oosie familie!

ALGEMENE TOEGANG R20 (ALLE OUDERDOMME)	ETE 1 Sop & Brood R40	ETE 2 2 Sosaties & Paptert R70
BELANGRIK: GEEN kos mag ingebring word nie • Kosbestellings SLUIT 17 Junie 2025 ETE SAL 18:00 GEREED WEES • BRING: Eie kampstoele & Eetgerei		
ETE COMBO Sop & Brood Sosaties & Paptert R90	PARKERING R50	PARTYTJIEBOKS Standaard Koelboks R100

Hoe bestel ek?

• Kaartjies is te koop by Kultuurkantoor. Kontant/Kaart of EFT
 • EFT: Verwysing - Leerder se Voorletter, van, klas & FEES (JNEL9GFEES)
 & stuur bewys aan kultuur@oos-moot.co.za

Meer inligting: NUUSBRIEF OF kultuur@oos-moot.co.za